

# SCRIPTA

---

**Numéro Scripta :** 7725

**Auteur(s) :** Martin d'Autheuil [particulier]

**Bénéficiaire(s) :** Guillaume de Chiray [particulier]

**Genre d'acte :** charte

**Authenticité :** non suspect

**Datation :** 1246

**Action juridique :** vente

**Langue du texte :** latin

## Analyse

Martin d'Autheuil vend à Guillaume de Chiray, moyennant soixante sous tournois, une rente annuelle de sept sous assignée sur un héritage sis à Autheuil.

## Tableau de la tradition

### Éditions principales

a. Charencey Hyacinthe (Comte de), *Cartulaire de l'Abbaye de Notre-Dame de la Trappe*, publié d'après le manuscrit de la Bibliothèque Nationale, Alençon, Renaut de Broise (Société historique et archéologique de l'Orne), 1889, B. « De Eodem (= de redditibus denariorum in Corboneto et Francia) », n° XXXIII (« Carta Martini de Autolio »), p. 77-78.

Texte établi d'après a

Universis presentes litteras inspecturis, Martinus de Autolio et Aalessis uxor ejus, salutem in Domino. Noveritis [quod] nos, de assensu et voluntate heredum nostrorum, vendidimus et concessimus Willelmo de Chiray et ejus heredibus, pro LXa solidis turonensium nobis integre persolutis, septem solidos annui redditus communis monete Corboneti, et eos eidem Willelmo et ejus heredibus assignavimus super totam hereditatem quam habemus apud Autolium in parrochia Sancte Ceronne per manum nostram vel heredum nostrorum annuatim ad festum Omnium Sanctorum, liberos et quietos de omnibus rebus ad nos et heredes nostros et ad quoscumque alios quoquo modo pertinentibus, reddendos et capiendos et in hereditate perpetua possidendos, vel mandato Willelmi de Chiray memorati. Ita tamen quod, si nos et heredes nostri de reddendo dicto Willelmo et heredibus ejus vel ejus mandato dictum redditum annuatim aliquando defecerimus, dictus Willelmus et heredes sui vel ejusdem mandatum [habentes] licite absque justicia seculari et absque contradictione nostra et heredum nostrorum in dicta hereditate plenariam justiciam poterunt exercere et omnes res in dicta hereditate inventas in manu sua capere et tenere quousque a nobis dictum redditum et heredibus nostris habuerint, cum emenda ad usus et consuetudines Corboneti. Ad hec autem que in presenti pagina continentur firmiter tenenda et fideliter observanda et contra omnes dicto Willelmo et heredibus ejus vel ejusdem mandato garantizanda, nos obligavimus et heredes nostros volumus penitus obligari per presentes litteras. In cujus rei, etc. Datum anno M° CC° XL° sexto.